

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**OPĆINA BOSANSKA KRUPA**  
**JEDINSTVENI OPĆINSKI ORGAN UPRAVE**  
**OPĆINE BOSANSKA KRUPA**

Broj: 07-11-5-7115/21

Bosanska Krupa, 28.9.2021.godine

Na osnovu člana 69. Stav (3)., člana 70. Zakona o javnim nabavkama („Službeni glasnik BiH“, broj: 39/14), u konkurentskom postupku/zahtjevu za nabavku usluga - Izrada glavnog projekta rekonstrukcije puta Arapuška cesta – Velagići, općina Bos. Krupa, a an preporuku Komisije za provođenje postupka javne nabavke, Općinski načelnik, kao rukovodilac organa uprave, donosi:

**ODLUKU**  
**o otkazivanju postupka javne nabavke**

1. Otkazuje se postupak javne nabavke usluga - Izrada glavnog projekta rekonstrukcije puta Arapuška cesta – Velagići, općina Bos. Krupa, zbog dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke, a na osnovu člana 69. stav (3) Zakona o javnim nabavkama, obzirom da su dostavljene dvije ponude koje su prihvatljive i imaju identične cijene, te nije moguće izabrati najpovoljnijeg ponuđača po kriteriju „najniža cijena“.
2. U skladu sa odredbama člana 70. Stav (6) Zakona o javnim nabavkama, Ugovorni organ će objaviti ovu odluku na svojoj web stranici, istovremeno s upućivanjem iste ponuđačima koji su sudjelovali u ovom postupku.

**O b r a z l o Ź e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-7115/21 od 15.9.2021. godine. Predmetna nabavka - Izrada glavnog projekta rekonstrukcije puta Arapuška cesta – Velagići, općina Bos. Krupa pokrenuta je putem konkurentskog zahtjeva za dostavu ponuda. Obavještenje o nabavci broj 1272-7-2-98-3-82/21 od 15.9.2021. godine zajedno sa tenderskom dokumentacijom- objavljeno na portalu JN i službenoj web stranici općine. Poziv za preuzimanje TD je upućena na tri adrese ponuđača

Po objavljenom obavještenju rok za prijem ponuda je bio 24.9.2021. godine do 13,00 sati. Do označenog roka za prijem ponuda na protokol Ugovornog organa pristigle su dvije ponude što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda:

1. „**EDI-ING**“ d.o.o. **Donji Vakuf**, broj protokola: 07-11-5-7115-2/21, 22.9.2021. godine u 12:00 sati
2. d.o.o. „**NEW WAY**“ **Cazin**, broj protokola: 07-11-5-7115-3/21, 24.9.2021. godine u 12:45 sati

Komisija za provođenje postupka javne nabavke je u skladu sa tenderskom dokumentacijom dana 24.09.2021. godine u 13,45 sati izvršila javno otvaranje ponuda i na zapisnik konstatovala:

1. **„EDI-ING“ d.o.o. Donji Vakuf**, dostavljena ponuda uredno zapakovana u jednoj koverti u kojoj su zasebno u kovertama original i kopija ponude i bez vidnih oštećenja, ponudio je:

cijena ponude: **3.500,00 KM bez PDV**, popusta nema  
PDV **595,00 KM**  
**ukupna cijena za ugovor: 4.095,00 KM sa PDV- om,**

2. **d.o.o. „NEW WAY“ Cazin**, dostavljena ponuda uredno zapakovana u jednoj koverti (original i kopija) i bez vidnih oštećenja, ponudio je:

cijena ponude: **3.500,00 KM bez PDV**, popusta nema  
PDV **0,00 KM**  
**ukupna cijena za ugovor: 3.500,00 KM sa PDV- om,**

Komisija za provođenje postupka javne nabavke je izvršila evaluaciju dostavljenih ponuda i konstatovala da su ponude oba ponuđača i to: **„EDI-ING“ d.o.o. Donji Vakuf i d.o.o. „NEW WAY“ Cazin** potpune, ispravne u formalno-pravnom smislu (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze i ponudu izradio u skladu sa TD), kao i da računskih grešaka nije bilo.

Nadalje, Komisija je konstatovala da ponuđač d.o.o. „NEW WAY“ Cazin nije u sistemu PDV-a i da je njegova cijena ponude 3.500,00 KM bez PDV-a , a ponuđač „EDI-ING“ d.o.o. Donji Vakuf je u sistemu PDV-a i njegova cijena ponude bez PDV-a je također 3.500,00 KM. Shodno tome, u slučaju kada u postupku javne nabavke učestvuju ponuđači koji su PDV obveznici i ponuđači koji nisu PDV obveznici, tada se prilikom vrednovanja ponuda porede ukupne cijene prihvatljivih ponuda bez PDV-a .

S obzirom na navedeno Komisija je konstatovala da su oba ponuđača ponudila identičnu cijenu bez PDV-a tj. 3.500 KM. Kako je kriterij „najniža cijena“, a oba ponuđača su ponudila identičnu cijenu, što je izvan kontrole ugovornog organa i nije moglo predvidjeti u vrijeme pokretanja postupka javne nabavke, Ugovorni organ ne može odabrati najpovoljnijeg ponuđača po kriteriju „najniža cijena“, te je Komisija predložila Ugovornom organu da postupak javne nabavke treba otkazati u skladu sa članom 69. st. 3. ZJN.

Članom 69. stav (3) Zakona o javnim nabavkama propisano je da ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke. Obzirom da dva ponuđača, čije su ponude prihvatljive, imaju iste ponuđene cijene, nije moguće izvršiti odabir najpovoljnijeg ponuđača, a što je van kontrole ugovornog organa i što se nije moglo predvidjeti u vrijeme pokretanja postupka javne nabavke, odlučeno je kao u dispozitivu Odluke.

#### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje Ugovornom organu u pisanoj formi direktno ili putem pošte u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

**OPĆINSKI NAČELNIK**

Armin Halitović, dipl. ecc

Dostavljeno:

1. „EDI-ING“ d.o.o. Donji Vakuf putem e-maila
2. d.o.o. „NEW WAY“ Cazin putem e-maila
3. U spis
4. a/a